

**BOSNA I HERCEGOVINA**  
**FEDERACIJA BOSNE I HERCEGOVINE**  
**ZENIČKO-DOBOJSKI KANTON**  
**GRAD ZENICA**  
**GRADSKO VIJEĆE**

Broj: 01-45-22232/21

\*\*\*\*\*

**Zapisnik s 13. sjednice**  
**Gradskog vijeća Zenica,**  
**održane 30. septembra 2021. godine**

\*\*\*\*\*

**Septembar 2021. godine**

**Zapisnik s 13. sjednice Gradskog vijeća Zenica,  
održane 30.09.2021. godine**

Sjednica je počela s radom u 10.00 sati.

Sjednicom je predsjedavao Mirza Husetić, predsjedavajući Vijeća.

Na početku sjednice predsjedavajući Vijeća konstatovao je da sjednici prisustvuje 27 vijećnika, te da vijeće može punovažno odlučivati. Odsustvo s današnje sjednice najavila je vijećnica Emina Tufekčić, a kašnjenje vijećnici Edisej Sjerotanović i Sanjin Aldobašić.

Nakon utvrđivanja kvoruma predsjedavajući Vijeća pozvao je vijećnika Elmira Duvnjaka da pristupi i položi svečanu zakletvu.

Obrazložene prijedloge za dopunu prijedloga dnevnog reda podnijeli su:

Vijećnik Almir Babajić, Klub vijećnika SDP:

Tačka 13. Nacrt Odluke o subvencioniranju dijela troškova boravka djece u JU Predškolski odgoj i obrazovanje Zenica,

usvojena s 27 glasova „ZA“, bez glasova „PROTIV“ i bez glasova „UZDRŽAN“.

Vijećnik Malik Ejubović, Klub vijećnika SDA:

Tačka 14. Prijedlog Zaključka o pokretanju procedure revizije diploma zaposlenih u javnom sektoru, odnosno u gradskoj upravi, javnim preduzećima i ustanovama

usvojena s 27 glasova „ZA“, bez glasova „PROTIV“ i bez glasova „UZDRŽAN“ i

Tačka 15. Prijedlog Zaključka o dodjeli finansijskih sredstava olimpijcima Amelu Tuki i Mesudu Pezeru,

usvojena sa 17 glasova „ZA“, bez glasova „PROTIV“ i sa 7 glasova „UZDRŽAN“.

Vijećnik Faruk Hodžić, Klub vijećnika SDA:

Tačka 16. Grijna sezona 2021./2022. i stanje u novoj toplani,

nije usvojena s 10 glasova „ZA“, 7 glasova „PROTIV“ i 9 glasova „UZDRŽAN“.

Gradonačelnik Fuad Kasumović iznio je stav gradske uprave u vezi s predloženim dopunama dnevnog reda.

Predsjedavajući Vijeća informisao je vijećnike da će se, shodno zaključku Radnog predsjedništva, organizovati posebna sjednica, na kojoj će predstavnici resornih službi odgovoriti vijećnicima na prethodno dostavljena vijećnička pitanja i inicijative.

Za 13. sjednicu Gradskog vijeća Zenica predložen je i jednoglasno, sa 27 glasova „ZA“, bez glasova „PROTIV“ i bez glasova „UZDRŽAN“, usvojen sljedeći dnevni red:

**Tačka 1. Zapisnik s 12. sjednice Gradskog vijeća Zenica, održane 22.07.2021. godine**

**Tačka 2. Izvještaj o izvršenju Budžeta Grada Zenica za period januar – juni 2021. godine**

**Tačka 3. Zahtjev za razmatranje stanja i daljeg rada JU Apoteka „Zdravlje“ Zenica**

**Tačka 4. Prijedlog Odluke o prodaji građevinskog zemljišta putem neposredne pogodbe**

**Tačka 5. Prijedlog Odluke o zaštiti izvorišta Džomba, Gradišće**

**Tačka 6. Prijedlog Odluke o raspisivanju izbora za savjete mjesnih zajednica**

**Tačka 7. Nacrt Odluke o usvajanju Regulacionog plana „Trg Alije Izetbegovića“ i upućivanja na javni uvid i javnu raspravu**

**Tačka 8. Nacrt Odluke o usvajanju Regulacionog plana „Kamberovića ravan i padina“ i upućivanja na javni uvid i javnu raspravu**

**Tačka 9. Nacrt Odluke o usvajanju Regulacionog plana „Crkvice“ i upućivanja na javni uvid i javnu raspravu**

**Tačka 10. Izvještaj o radu Gradske uprave i Gradonačelnika Zenice za 2020. godinu**

**Tačka 11. Prijedlog Zaključka o davanju saglasnosti za legalizaciju započete izgradnje proizvodnog objekta i nastavak građevinskih radova Društvu za građevinarstvo i trgovinu „NEIMARI ŠERIĆI“ d.o.o. Zenica**

**Tačka 12. Prijedlog Rješenja o imenovanju zamjenika gradskog pravobranioca u Gradskom pravobranilaštvu Zenica**

**Tačka 13. Nacrt Odluke o subvencioniranju dijela troškova boravka djece u JU Predškolski odgoj i obrazovanje Zenica**

**Tačka 14. Prijedlog zaključka o reviziji diploma zaposlenih u javnom sektoru, odnosno gradskoj upravi, javnim preduzećima i ustanovama**

**Tačka 15. Prijedlog Zaključka o dodjeli finansijskih sredstava olimpijcima Amelu Tuki i Mesudu Pezeru**

**Tačka 1. Zapisnik s 12. sjednice Gradskog vijeća Zenica, održane 22.07.2021. godine**

U raspravi niko nije učestvovao. Zapisnik s 12. sjednice Vijeća usvojen je jednoglasno s 27 glasova „ZA“, bez glasova „PROTIV“ i bez glasova „UZDRŽAN“.

**Tačka 2. Izvještaj o izvršenju Budžeta Grada Zenica za period januar – juni 2021. godine**

Uvodne napomene za ovu tačku dnevnog reda dala je Fatima Vojvodić, pomoćnica Gradonačelnika za finansije.

U raspravi su učestvovali vijećnici: Šerif Patković, Faruk Hodžić, Almir Babajić i Ibrahim Šišić. U raspravi je učestvovao Gradonačelnik, dajući pojašnjenja.

Po zaključenju rasprave vijećnici su se izjasnili glasanjem o Izvještaju o izvršenju Budžeta Grada Zenica za period januar – juni 2021. godine i isti usvojili sa 19 glasova „ZA“, 5 glasova „PROTIV“ i bez glasova „UZDRŽAN“.

### **Tačka 3. Zahtjev za razmatranje stanja i daljeg rada JU Apoteka „Zdravlje“ Zenica**

Uvodne napomene za ovu tačku dnevnog reda dala je Mirsada Strika, v.d. direktorice JU Apoteka „Zdravlje“ Zenica.

U raspravi o ovoj tački dnevnog reda učestvovali su vijećnici: Elvis Alijagić, Kenan Uzunović, Vernes Menzilović, Malik Ejubović, Nermin Mehić, Ekrem Tuka, Faruk Hodžić, Šerif Patković, Denan Pašalić, Ibrahim Šišić, Almir Babajić, Sanjin Aldobašić, Edisej Sjerotanović i Aida Halać. U raspravi su učestvovali Gradonačelnik i Danijela Dalmacija – Pavlović, predsjednica Upravnog odbora JU, dajući pojašnjenja.

U 13.32 sati predsjedavajući Vijeća dao je kraću pauzu.

Nakon pauze predsjedavajući Vijeća zaključio je raspravu o ovoj tački dnevnog reda i dao na glasanje najprije tačku dnevnog reda, koju su vijećnici primili k znanju s 27 glasova „ZA“, bez glasova „PROTIV“ i bez glasova „UZDRŽAN“, a zatim i zajednički prijedlog zaključka:

I - Zadužuju se Upravni odbor i menadžment JU Apoteka „Zdravlje“ Zenica da, uključujući i angažman eksternih stručnjaka, angažovanih od strane Gradske uprave Zenica, pripremi prijedlog mjera za sanaciju poslovanja tj. model finansijske i organizacijske transformacije navedene ustanove.

II - Rok za realizaciju zadatka iz tačke II ovog zaključka je 30 dana od dana stupanja na snagu ovog zaključka.

III - Ovaj zaključak stupa na snagu danom donošenja.

Zajednički prijedlog zaključka Vijeće je usvojilo jednoglasno sa 27 glasova „ZA“, bez glasova „PROTIV“ i bez glasova „UZDRŽAN“.

Vijećnik Faruk Hodžić ostao je pri prijedlogu zaključka kojim se traži da se hitno kroz rebalans budžeta izdvoje sredstva u iznosu od 300.000 KM koja će biti uplaćena JU Apoteka „Zdravlje“ Zenica. Navedeni prijedlog zaključka Vijeće nije usvojilo sa 6 glasova „ZA“, 5 glasova „PROTIV“ i 15 glasova „UZDRŽAN“.

#### **Tačka 4. Prijedlog Odluke o prodaji građevinskog zemljišta putem neposredne pogodbe**

Nije bilo potrebe za uvodnim napomenama. U raspravi niko nije učestvovao. Vijećnici su se izjasnili glasanjem o Prijedlogu Odluke o prodaji građevinskog zemljišta putem neposredne pogodbe i isti usvojili s 27 glasova „ZA“, bez glasova „PROTIV“ i bez glasova „UZDRŽAN“.

#### **Tačka 5. Prijedlog Odluke o zaštiti izvorišta Džomba, Gradišće**

Nije bilo potrebe za uvodnim napomenama.

Vijećnik Nermin Mehić, u svojstvu predsjednika Komisije za prostorno planiranje i ekologiju, iznio je stav komisije po ovoj tački dnevnog reda, te prijedlog zaključka da se u narednom periodu nastave i intenziviraju aktivnosti koje se odnose na zaštitu lokalnih vodovoda. U diskusiji o ovoj tački dnevnog reda učestvovali su vijećnici: Ibrahim Šišić, Namir Škaljo i Edisej Sjerotanović.

Po zaključenju rasprave, vijećnici su se najprije izjasnili glasanjem o Prijedlogu Odluke o zaštiti izvorišta Džomba, Gradišće i isti usvojili s 27 glasova „ZA“, bez glasova „PROTIV“ i bez glasova „UZDRŽAN“, a zatim o prijedlogu zaključka Komisije za prostorno planiranje i ekologiju da se u narednom periodu nastave i intenziviraju aktivnosti koje se odnose na zaštitu lokalnih vodovoda i isti usvojili s 27 glasova „ZA“, bez glasova „PROTIV“ i bez glasova „UZDRŽAN“.

#### **Tačka 6. Prijedlog Odluke o raspisivanju izbora za savjete mjesnih zajednica**

Uvodne napomene za ovu tačku dnevnog reda dao je Rešid Hadžić, šef Odsjeka za poslove mjesnih zajednica.

Vijećnicima je pred sjednicu dostavljen amandman Kluba vijećnika SDA na predmetnu odluku, kao i stav resorne službe kojim se isti ne prihvata.

Amandmanom na prijedlog Odluke predlaže se izmjena člana 22. tako da glasi:

„U slučaju da za pojedine mjesne zajednice ne budu podneseni prijedlozi za članove savjeta, tako da se ne mogu održati izbori, Gradonačelnik će imenovati povjerenika. Ukoliko na izborima za članove Savjeta mjesnih zajednica nije prisutan potreban broj građana (jedna desetina građana upisanih u CBS ili najmanje 100 građana toga zbora upisanih u CBS, ako je jedna desetina građana mjesnog zbora veća od tog broja) izbori za savjete mjesnih zajednica neće se ponavljati i u tim slučajevima će se imenovati povjerenik rješenjem Gradonačelnika“.

U diskusiji o ovoj tački dnevnog reda učestvovali su vijećnici: Halil Arnaut, Namir Škaljo, Denan Pašalić, Malik Ejubović, Šerif Patković i Vernes Menzilović.

Po zaključenju diskusije, Klub vijećnika SDA izjasnio se da ostaju pri uloženom amandmanu, pa su se na zahtjev predsjedavajućeg Vijeća Mirze Husetića vijećnici najprije glasanjem izjasnili o amandmanu na prijedlog odluke i isti nisu usvojili sa 13

glasova „ZA“, 7 glasova „PROTIV“ i 6 glasova „UZDRŽAN“, a zatim o Prijedlogu Odluke o raspisivanju izbora za savjete mjesnih zajednica i isti usvojili sa 19 glasova „ZA“, 6 glasova „PROTIV“ i bez glasova „UZDRŽAN“.

Prije prelaska na sljedeću tačku dnevnog reda, predsjedavajući Vijeća Mirza Husetić je u 14.38 sati, na prijedlog Radnog predsjedništva, saopštio pauzu u trajanju od sat vremena i najavio nastavak sjednice u 15.40 sati.

#### **Tačka 7. Nacrt Odluke o usvajanju Regulacionog plana „Trg Alije Izetbegovića“ i upućivanja na javni uvid i javnu raspravu**

Uvodne napomene za ovu tačku dnevnog reda dale su Bojana Primorac, pomoćnica Gradonačelnika za urbanizam, te Lejla Brljevac, direktorica JP za prostorno planiranje i uređenje grada „Zenica“ d.o.o. Zenica. Regulacioni plan vijećnicima je prezentovala Nađa Ibrahimagić.

U raspravi su učestvovali vijećnici: Kenan Uzunović, Šerif Patković, Namir Škaljo, Aida Halać, Ibrahim Šišić, Edisej Sjerotanović, Elvis Alijagić i Sanjin Aldobašić. Gradonačelnik je također učestvovao u diskusiji dajući određena pojašnjenja. Lejla Brljevac odgovorila je na pitanja koja su postavljena u toku diskusije.

Po zaključenju rasprave vijećnici su se izjasnili glasanjem o Nacrtu Odluke o usvajanju Regulacionog plana „Trg Alije Izetbegovića“ i upućivanja na javni uvid i javnu raspravu i isti usvojili s 25 glasova „ZA“, bez glasova „PROTIV“ i 1 glasom „UZDRŽAN“.

#### **Tačka 8. Nacrt Odluke o usvajanju Regulacionog plana „Kamberovića ravan i padina“ i upućivanja na javni uvid i javnu raspravu**

Nije bilo potrebe za uvodnim napomenama.

Regulacioni plan vijećnicima je prezentovala Nađa Ibrahimagić.

U diskusiji o ovoj tački dnevnog reda učestvovali su vijećnici: Malik Ejubović, Almir Babajić, Sanjin Aldobašić i Šerif Patković.

Po zaključenju rasprave vijećnici su se izjasnili glasanjem o Nacrtu Odluke o usvajanju Regulacionog plana „Kamberovića ravan i padina“ i upućivanja na javni uvid i javnu raspravu i isti usvojili s 18 glasova „ZA“, bez glasova „PROTIV“ i 5 glasova „UZDRŽAN“.

#### **Tačka 9. Nacrt Odluke o usvajanju Regulacionog plana „Crkvice“ i upućivanja na javni uvid i javnu raspravu**

Nije bilo potrebe za uvodnim napomenama.

Regulacioni plan vijećnicima je prezentovao Adin Orlić.

U diskusiji o ovoj tački dnevnog reda učestvovali su vijećnici: Elvis Alijagić, Ibrahim Šišić, Šerif Patković, Aida Halać, Sanjin Aldobašić, Almir Babajić i Mirza Husetić. Gradonačelnik je također učestvovao u diskusiji, dajući određena pojašnjenja.

Predsjedavajući Vijeća Mirza Husetić je, po zaključenju rasprave, a prije izjašnjavanja o tački dnevnog reda, na prijedlog Kluba vijećnika Zenička inicijativa, u 17.55 sati saopštio pauzu u trajanju pet minuta.

Nakon pauze, vijećnici su se izjasnili glasanjem o Nacrtu Odluke o usvajanju Regulacionog plana „Kamberovića ravan i padina“ i upućivanja na javni uvid i javnu raspravu i isti usvojili sa 16 glasova „ZA“, 7 glasova „PROTIV“ i 2 glasa „UZDRŽAN“.

#### **Tačka 10. Izvještaj o radu Gradske uprave i Gradonačelnika Zenice za 2020. godinu**

Uvodne napomene za ovu tačku dnevnog reda dao je Selver Keleštura, sekretar gradske uprave.

U raspravi o ovoj tački dnevnog reda učestvovali su vijećnici: Kenan Uzunović, Malik Ejubović, Šerif Patković, Namir Škaljo, Ekrem Tuka i Aida Halać. Gradonačelnik je učestvovao u raspravi dajući određena pojašnjenja.

Po zaključenju rasprave, vijećnici su se izjasnili glasanjem o Izvještaju o radu Gradske uprave i Gradonačelnika Zenice za 2020. godinu i isti usvojili sa 17 glasova „ZA“, 4 glasa „PROTIV“ i bez glasova „UZDRŽAN“.

#### **Tačka 11. Prijedlog Zaključka o davanju saglasnosti za legalizaciju započete izgradnje proizvodnog objekta i nastavak građevinskih radova Društvu za građevinarstvo i trgovinu „NEIMARI ŠERIĆI“ d.o.o. Zenica**

Nije bilo potrebe za uvodnim napomenama.

Vijećnik Nermin Mehić, u svojstvu predsjednika Komisije za prostorno planiranje i ekologiju, iznio je stav Komisije.

U raspravi niko nije učestvovao. Vijećnici su prijedlog zaključka usvojili sa 16 glasova „ZA“, 3 glasa „PROTIV“ i bez glasova „UZDRŽAN“.

#### **Tačka 12. Prijedlog Rješenja o imenovanju zamjenika gradskog pravobranioca u Gradskom pravobranilaštvu Zenica**

Nije bilo potrebe za uvodnim napomenama. U raspravi niko nije učestvovao. Vijećnici su prijedlog rješenja usvojili sa 18 glasova „ZA“, 1 glasom „PROTIV“ i 1 glasom „UZDRŽAN“.

#### **Tačka 13. Nacrt Odluke o subvencioniranju dijela troškova boravka djece u JU Predškolski odgoj i obrazovanje Zenica**

Nije bilo potrebe za uvodnim napomenama. U raspravi o ovoj tački dnevnog reda učestvovali su vijećnici Osman Mehinagić i Almir Babajić. Gradonačelnik je također učestvovao u raspravi dajući odgovor na pitanje vijećnika Osmana Mehinagića.

Po zaključenju rasprave vijećnici su se izjasnili glasanjem o nacrtu odluke i isti usvojili s 20 glasova „ZA“, bez glasova „PROTIV“ i bez glasova „UZDRŽAN“.

**Tačka 14. Prijedlog Zaključka o pokretanju procedure revizije diploma zaposlenih u javnom sektoru, odnosno gradskoj upravi, javnim preduzećima i ustanovama**

Nije bilo potrebe za uvodnim napomenama. U raspravi niko nije učestvovao. Vijećnici su prijedlog vijećnika Malika Ejubovića o pokretanju procedure revizije diploma zaposlenih u javnom sektoru, odnosno gradskoj upravi, javnim preduzećima i ustanovama, usvojili s 20 glasova „ZA“, bez glasova „PROTIV“ i bez glasova „UZDRŽAN“.

**Tačka 15. Prijedlog Zaključka o dodjeli finansijskih sredstava olimpijcima Amelu Tuki i Mesudu Pezeru**

Nije bilo potrebe za uvodnim napomenama. U raspravi su učestvovali vijećnici: Aida Halać, Denan Pašalić, Kenan Uzunović, Malik Ejubović, Ekrem Tuka i Mirza Husetić.

Po zaključenju rasprave vijećnici su se izjasnili glasanjem o predloženom zaključku i isti nisu usvojili s 10 glasova „ZA“, bez glasova „PROTIV“ i 10 glasova „UZDRŽAN“.

Sjednica je završena u 19.40 sati.

Sastavni dio ovog zapisnika je audiozaopis, pohranjen u Stručnoj službi Gradskog vijeća, na osnovu kojeg vijećnici mogu izvršiti uvid u diskusije na sjednici.

PREDSJEDAVAJUĆI  
GRADSKOG VIJEĆA ZENICA

Mirza Husetić

